

## WHAKAMOEMITI WHAKATUWHERA

Kia whai korōria, hōnore, harerua kia IHOA O NGĀ MANO tūāuriuri whaiioi e kī te rangi me te whenua ki tōna korōriatanga e TE MATUA, TE TAMA, TE WAIRUA TAPU me ngā ANAHERA PONO ko TE MĀNGAI hei tautoko āiane ake nei āe.

Ko te wāhi tuatahi kia tū wātea mātau ki mua i te aroaro o IHOA O NGĀ MANO nā reira e tāpae ana mātau ko ngā hē katoa o te tinana me te wairua kia whakahokia ki te wāhi kua whakaritea mō ngā mea hē katoa. Kia noho mātau i roto i te ngākau rīpenetā, kia whānau hou ai i roto i te wairua o te pono me te tika ki mua i a koutou, mā TE MĀNGAI hei tautoko mai āiane ake nei āe.

E TE MĀNGAI e ngā ANAHERA PONO e TE TOKOTORU TAPU ka tāpae atu nei tēnei KAWANATA e tūpono mātau ngā Hapū me te Kāwanatanga o Niu Tireni i raro i te Tiriti o Waitangi kia uhia ki roto i te kapu o te ringa o IHOA O NGĀ MANO kia whai hua o mātau tūmanako i roto i te māramatanga o te aroha noa o IHOA O NGĀ MANO me te taro i roto i tō koutou korōriatanga, ture wairua, ture tangata ko IHOA te piringa ka puta ka ora. Ko TE MĀNGAI hei tautoko āiane ake nei āe.

E TE MĀNGAI e ngā ANAHERA PONO e TE TOKOTORU TAPU arataki ārahi ai mātau ngā Hapū o Ngāti Marangatūhetaua, Ngāti Tauira, Ngāti Kurumōkihi me Ngāti Te Ruruku hei tūtuki i a mātau hiahiatanga wawata rānei hei whakahua hei whakapuāwai i ngā wawata me ngā hiahiatanga mō ō mātau whānau whānui me ngā uri whakatipu e haere mai nei kia piki te māramatanga, piki te ora, piki te kaha me te rangimārietanga ki ō mātau tinana me ō mātau wairua, kia whakaūngia ki roto i te kaha o tō aroha noa, paeheretia ki tō rangimārie mō ngā wā katoa, mā TE MĀNGAI hei tautoko āiane ake nei āe.